

# ნაციალური კონფერენცია

ქართული  
ბიბლიოთეკა

საბჭოთაო საქართველოს 27 1920 წ. ნაციონალური და აგარული პოლიტიკის ორგანო № 18 ფასი 10 მან.

### მისამართი:

რედაქციის და კონტორის: დამფუძნებელი კრების (სახლის ქ.) № 5. ტელეფონი 19-66.  
რედაქციის: წყნეთის 4 № 17. ტელეფონი № 22

### ხელის მოწერა:

წლის დამლევამდე—750 მან. (ფოსტ.-ხარჯით).  
ერთი თვით ხელის მწერა არ მიიღება.

### განცხადებანი

მიიღება ნაშუადღევს 2 საათამდის. სტრიქონი პეტიტით  
1 გვერდზე—20 მან. 4-გვერდზე—10 მან. საშუალოდ  
გაცხადება 30-სტრიქონი—100 მან.

## მეცნიერების სასურველი

მატყლის მეცნიერება, შენახვა, მოვლა მინდობილი აქვს  
მეცნიერებათა კოლეჯის მეცნიერებებს

### „მეცნიერება“

რომლის საშუალებით მივრჩევთ და დავრჩევთ წინასწარი სესხი მეცნიერებათა  
ყოველი მეცნიერი, რომელმაც მატყლი ჩააბარა მთავრობის ანხანა  
ნაგობა „მეცნიერება“ საშუალებით, იმ ორი ათასი (2.000) მანეთის გარდა,  
რომელსაც იღებს მთავრობისაგან

მატყლის ადგილობრივად საფასურად,

მიიღებს აგრძელებს წმინდა მოგებას ნაწილის და მათთანად, ეს მატყლის  
საბოლოოდ განაღდება ამ მატყლის პარტონად რჩება.

მატყლის განაღდებად მიღებული წმინდა მოგება განაწილდება  
შემდეგი წესით:

- 1) მეცნიერების დასახელებული თანხის შესაძენად (ფონდი) ერთი მეათედი 10 პროც.
- 2) მეცნიერებს ამხანაგად „წყნის“ საშუალებით ოთხ ნახევარი მეათედი, 45 პროც.
- 3) სახელმწიფოს მომარაგების სამინისტროს სახით ოთხ ნახევარი მეათედი, 45 პროც.

შეგროვილი მატყლის ღირებულება დაკმაყოფილებული იქნება  
რუსულბიკის საშინაო მოთხოვნილება, მხოლოდ დანარჩენი მატყლი  
განაღებული იქნება საზღვარ-გარეთის ბაზარზე.

მომარაგების სამინისტრო.

## განცხადება.

ოქტომბრის 1-დან დაიწყო მოქმედება თბილისის სამონოპოლიო  
მატყლის საწყობმა, საიდანაც მატყლი გაიყიდება ბითუმად.

სოფლებში და ქალაქებში მატყლის მომხმარებელზე წვრილად გაყიდვა  
შეუძლიან მომხმარებელ კოოპერატივებს და სადაც ამხანაგები არ არიან—  
იქ თემებს და სხვა საზოგადოებრივ ორგანიზაციებს.

ზემო აღნიშნულმა ორგანიზაციებმა მატყლის შესაძენად უნდა მიმართონ

### მომარაგების სამინისტროს,

რომლიდანაც, სრული საფასურის გადახდის შემდეგ, მიიღებენ ორდერს  
საწყობიდან მატყლის მისაღებად.

შენიშვნა: რუსულბიკის ყველა კოოპერატივი საჭირო მატყლს  
მიიღებენ „ცეკავშირისაგან“, რომელიც მატყლს იღებს  
მომარაგების სამინისტროდან.

## მატყლის ყიდვა გაყიდვა პირველი პირთათვის სპეციალურად

სახელმწიფო საწყობში რუსულბიკის შინაურ მოთხოვნილებათა  
დასაკმაყოფილებლად მატყლი იყიდება შემდეგ ფასებში:

- ა) საშუალო ღირებულების, გაურავსაში მატყლი 4.000 მან.
- ბ) სუფთა ახალგორის და სხვა რაიონების 4.500 მან.

კოოპერატივები და სხვა ორგანიზაციები ვალდებული არიან ადგილობრივ  
გაყიდონ მატყლი მომხმარებელზე, გადატანის ხარჯების და 10 პროც.  
საორგანიზაციო ხარჯების დამატებით.

ყოველივე მოქალაქეს (მომხმარებელს) უფლება აქვს თავალყური  
ადგენოს, რომ მატყლის გაყიდვებში ორგანიზაციამ გადასატანი ხარჯები  
გაუადგინოს არ იანგარიშოს.

მატყლის გაყიდვა ორგანიზაციები ვალდებული არიან მატყლი  
თვით მომხმარებელს მიჰყიდონ და ნორმალურად გაანაწილონ მატყლი  
თავიანთ რაიონში.

შენიშვნა: სართავ-საქსოვი ფაბრიკები მატყლს მიიღებენ სამინისტროს  
საწყობიდან.

მომარაგების სამინისტრო.

## ნაციონალური კონფერენცია

შესდგება თბილისში 23 ოქტომბერს (ღვინობისთვის 10 დღ. სტ.)

### დღიური წესრიგი:

- I. მთავარი კომიტეტის და ფრაქციის მოქმედების მოხსენებანი.
- II. პროგრამისა და წესდების განხილვა.
- III. სამაზრო მოხსენებანი (დელეგატებისა).
- IV. ხარჯი და საპარლამენტო არჩევნების საშუალებანი.
- V. არჩევნები მთავარი კომიტეტისა
- VI. მიმდინარე საკითხები.

კონფერენციის წევრთა რიცხვად დაწესებულია 100  
კონფერენციის წევრებად უნდა აქნან არჩეული ის პირნი, რომელნიც  
დასახელებულ იქნებიან პარლამენტის საარჩევნო სიაში.  
კონფერენციის დელეგატთა ალავები განაწილებულია მაზრებს შორის  
რის დამთუხმებელი კრების არჩევნებში მიღებულ ხმების მიხედვით  
(ასზე—ერთი)

მთავ. კომიტ. პრეზიდიუმი

კონფერენციის სხდომები გაიმართება ქალაქის საბჭოს დარბაზში.

კონფერენციაზე დასწრება შეუძლიათ არა დელეგატებსაც—პარტიის წევრთ;  
ბილეთების მიღება შეიძლება მთავარ კომიტეტში (წყნეთის ქ. № 17 ბინა 2  
დღის 11 საათამდის)

### განუპიჯისაგან

### გოლუპიჯისაგან!

ჩვენ უკვე აღვნიშნეთ, რომ ჩვენი მენშევიკების „ილდაწიბამ“ საქართველო, ერთ მთავრობის თავჯდომარის სიტყვით, კატასტროფად მიიყვანა, ამ შემთხვევაში ქართული ხალხი ყოველად მომთმენი გაჰდგა და ამის მიზეზი გახლავთ ამ ხალხის ისტორიული ტრადიცია, მამულიშვილობა და უღრესი პატრიოტიზმი.

ხალხი, რომელსაც ისტორიულად სისლ-სორცში გამოჯარაჰქონდა საქართველოს თავისუფლების, სამშობლოს და მოუკიდებლობის იდეა, ყველაფერს ურიგდებოდა, თუმცა კარგა ხანია აშკარად ხედავდა იმ უკუღმართ გზას, რომელსაც მმართველი პარტია დაადგა დღიდან დამოუკიდებლობის გამოცხადებისა...

გადაჭრით შეიძლება ითქვას, რომ არც ერთი ერი დედაპირის ზურგზედ ასე უსიტყვოთ არ შეურიგდებოდა იმ სოციალისტურ ექსპერიმენტებს, რომელსაც ჩვენი მმართველი პარტია აწარმოებდა მეტადრე სამეურნეო და სამრეწველო სფეროში.

ამ გარემოებამ დაბადა ის ქვეშაობად გარეგნული მხრივ დიდა სურათი, რომელსაც არ შეიძლება შორიდან არ მოეხიბლა ყოველი ევროპელი სოციალისტი.

ამ გარემოებამ დაბადა ჩვენი მხარე ერთგვარ „ოაზისად“ იმ ერეულ და ბნელ უღაბოში, რომელსაც რუსეთს უძახიან. ჩვენ კი კარგათ გავსმოდა ქართველი

ლი ერს გულის კენესა, მისი გულის წაღილი...

ჩვენ ქართველ ერთან ერთად იმედებს არა ვკარავდით, რომ ბოლოს და ბოლოს ქართველი მენშევიკები საქართველოს დამოუკიდებლობას და მის სახელწიფოებროვნობის განმტკიცებას შესწავლიდნენ თავის მკვდარ დოგმებს, გამოუხიზლდებოდნენ და ანგარიშს გაუწევდნენ იმ ეროვნულ დროშას, რომელიც ასე აერთიანებდა და აერთსულოვნებდა მთელ ქართველ ხალხს.

ეს იმედები ამ ბოლო დროს თითქმის გვიკრუვდებოდა. ვინაიდან ჩვენი სოციალ-დემოკრატები არ ადგებან იმ ერთად-ერთ გზას, რომელსაც ჰქვია ევოლიუცია და რომელსაც კიდევ შეუძლია ჩვენი ერის ხსნა. საზოგადოებრივად რომ არც ერთი ექიმი მძიმე და საეჭვო აპერაციას არ გაუყენებს თავის მახლობელ შეგობარსაც კი, არამც თუ თავის საყვარელ შვილს ანუ დედას.

ევროპიელ სოციალისტების პრაქტიკისათვის ამ გვარი საეჭვო აპერაციებისთვის წარმოება უცხო საქართველოს ცოცხალ სხეულზედ, რასაკვირველია. გამოსადეგიც არის და უფრო ადვილიც ვიდრე თავიანთ მშობელ ხალხზედ.

და იმას, რაც მათ თავის ქვეყანაში ჯერ არ გამოუცდიათ და რის გამოცდას იქვერც გაზედავენ, აქ, ჩვენ სამშობლოში, ჩვენი მენშევიკების წყალობით ასრულდებიან.

ისუფლებითი შინაური სესხი, სხვის ღებში ფათური, ძალმომრეობა, ჯერ



კლუბების და რესტორანების დაკეტვა, მერე ყოველგვარ საჯარო დაწესებულებების მი სპობა...

რა ჰქვია ამას, თუ არ ბოლშევიზმი? რა არის ეს, თუ არ საქართველოს წამდგომი დაღუპვა, თუ არ სახელმწიფოს ბალშევიკური განადგურება?!

ამერი.

# პრესა.

## ირრედენტისთვის.

გაზეთი „ბარკადი“ სწერს:

„ქართულ ირრედენტს უკვე თავის ისტორია აქვს. ქართული საზოგადოებრივი აზრი დაიმახსოვრებს იმ ძალადობას რომელიც საქართველოს ოფიციალურ მთავრობის წარმომადგენელმა ქ. ბათომში და მის ოლქში ბ. ბ. ჩხიკვიშვილმა იხმარა, როცა დაკეტა ერთად ერთი ქართული გაზეთი ბათუმში „მთლიანი საქართველო“ ტიტან ტაბიძის წერილისთვის „ირრედენტა“. ამ წერილში იყო ვალაშკრება ოსმალეთის ნაციონალისტების წინააღმდეგ, რომელთაც ქემალ ფაშა მეთაურობს და ის აზრი იყო გატარებული, რომ ეფემერული ოსმალეთის იმპერია ვერ მოინდობს საქართველოსთვის უდავო ტერიტორიას, როგორც ლაზისტანი და ტრაპიზონია, რომ ქართველი ჯარი დაზარუნებს ჯვარზე გაკრულ ნახევარ მთავრებს ძველ ტანჯვას. საგანგებო კომისარის იმ ბრძანებაში, რომელიც გაზეთს ჰპურავდა. ეს წერილი პროვოკაციულათ არის ნახსენები და ქემალ ფაშა გამოცხადებულია საქართველოს კეთილად განწყობილ მეზობლათ.

თავიდანვე ცხადი იყო კომისარის ეს ბრძანება გაუგებრობაზე იყო ნაშენები. ქემალ ფაშა არასდროს არ ყოფილა საქართველოს მეგობარი. ეს აღნიშნა კიდევ ქართულმა პრესამ: „საქართველოში“ და „კლდეში“. საქმე იყო რამოდენიმე კვირა, რომ გამოცხადდა, თუ რა მეგობარი ყოფილა ქემალ ფაშა საქართველოსი. გაზეთ „მთლიანი საქართველო“ დახურვის დღიდან დღევანდლამდე საქართველოს ოსმალეთთან არაფერი ახალი დიპლომატიური შეხვედრა არ ჰქონია. მაგრამ ქემალ ფაშას ბაში ბუზუყები თავს დაესხნენ სომხეთს. ტფილისისის და საქართველოს სხვა ქალაქებში სომხები მართავენ გრანდიოზულ მანიფესტაციას ოსმალეთის წინააღმდეგ, და დამუშუდებულ კრებების თავმჯდომარე ბ-ნი ალექსანდრე ლომთათიძე რისხვის სიტყვას ამბობს ოსმალეთზე.

აქ არა თუ დარღვევა კეთილშეშობლობის, არამედ ნეიტრალიტეტის დარღვევა არის. ეს ტონი შემდეგ გადაედო ქართულ პრესას.

ჩვენ გვხარბებს ქართული პრესის ერთსულადიანი ვალაშკრება ქემალ ფაშას წინააღმდეგ, ამით კეთდება ის საქმე, რომელიც „ირრედენტა“-ში იყო წამოყენებული. მართალია შემდეგ გამოიკვა, რომ იმ სტამბაში სადაც აბეჭდებოდა გაზეთი „მთლიანი საქართველო“ და იმ ფორმატით ეხლა გამოდის მენშევიკების ოფიციალური „ბათუმის გაზეთი“, გამოირკვა ისიც, რომ ამ გაზეთისთვის მთავრობა აძლევს ხაზინიდან სუბსიდიას, ვიო ათას მანეთს თვეში რომელიც წინათ „სამუსლიმანო საქართველოს“ ეძლეოდა მაგრამ განა არ შეიძლება ამ ოპერაციის მოხდენა უდემონსტრაციოთ? ყველაფერი ეს წარმავალია, მხოლოდ რჩება უდრევი ნება მთლიანი საქართველოსი თავისი სხეულის გამრთელებისათვის, და გარდუვალი ირრედენტა:

ლაზისტანი და ტრაპიზონი. ეს ირრედენტა პირველათ ქართულმა მწერლობამ აღნიშნა...

# უსსოათის დეკაუზები

## ერთა ლიგის სხდომა

შეადგინეს შემდეგი სხდომის პროგრამა. სხდომა უნდა შესდგეს ბრიუსელში გიმანსის თავმჯდომარეობით. „ტანის“ ცნობის თანახმად, განხილულ იქნება პოლინელ-ლიტვის საკითხი როლის შესახებ ორივე მხარე მოხსენებას გააკეთებს მოსახლეურე ხაზის საკითხს უკვე იხილავს საგანგებო კომისია. მოსმენენ აგრეთვე ინგლისის პირველ მოხსენებას ალანდიის კუნძულების შესახებ. ერთა ლიგის პირველი სხდომა, რომელიც ვილსონის მიერ მოწვეულია ნოემბრის 15 ყენვეაში, საბჭოთა განხილვის საგანს შეადგენს ნედლი მასალის მონაპოლიის შესახებ საკითხის აღძრავს იტალია-სონხეთის შესახებ მოხსენებას გააკეთებს იტალიის წარმომადგენელი, მოხსენებებს გააკეთებენ დანციგისა და სხვა საკითხების შესახებ.

## ოსმალეთის ახალი სამინისტრო

საფრანგეთის პრესა ფიქრობს, რომ ტეფთიკ ფაშას დაფალებენ ახალი კაბინეტის შედგენას, რადგანაც დამად ფერიდის კაბინეტი გადადგომას აპირებს.

ტეფთიკ ფაშის პროგრამის თანახმად ოსმალეთის ნაციონალისტებმა უნდა აღიარონ სეფრის ხელშეკრულება.

# გერმანული ცნობები.

## რუსის ბალშევიკები ბერლინში.

კომუნისტური ინტერნაციონალის გერმანული სექცია შეიკრიბა დღეს მიტინგზე ზინოვიევის სიტყვის მოსასმენად. ზინოვიევი ავთაყოფობის გამო მიტინგზე არ გამოცხადებულა. გერმანიის მთავრობამ ზინოვიევის და ლოზოვსკის წინააღმდეგ მისცა დასტოვონ გერმანიის საზღვრები.

## ზემო სილეზია.

კანცლერმა ფერენბახმა ზემო სილეზიის შესახებ გამოუშვა მოწოდება, რომელშიაც იგი ირწმუნება, რომ გერმანიის მთავრობა ამ ჭადად უფრო მეტ ანგარიშს უწყევს ზემო სილეზიის თავისებურობას. ვიდრე ამდენ ხანს უწყვედაო. თუ სილეზია პლეპისციტით გერმანიასთან დარჩენას გადაწყვეტს, დარწმუნებული უნდა იყოს, რომ მიიღებს ყველაფერს. რის მიკემაც კი შეეძლება გერმანიის კონსტიტუციის ძალით.

## გერმანიის მეცნიერთათვის.

პოლიანდიის გამოჩენილმა მეცნიერებმა მოწოდებთ მიმართეს მეცნიერთა წრეებს გერმანიის მეცნიერების დამხმარე ფონდის მოწყობის შესახებ. ეს გამოწვეულია მით, რომ გერმანიის არ შეუძლია თვითონ შეიძინოს საჭირო წიგნები და ინსტრუმენტები.

## საბერძნეთის ელჩი.

საბერძნეთის ელჩმა ალექსანდრემ გერმანიის პრეზიდენტს რწმუნებულობა ჩააბარა.

## საქსონიაში.

საქსონიაში გაფიცვები დასრულდა. დრეზდენისა და ლაიპციგის მუშებმა მუშაობა დაიწყეს.

# თბილისის საავ. ცნობები

## გ ა უ ჩ კ ო ვ ი

პარიზი. ა. ი. გუჩკოვმა ერთ-ერთ იგი გაზეთის თანამშრომელს განუცხადა, რომ ვრანგელის მიერ გაწვეულია ყირიმში და რომ ის მათ არის მიიღოს ყოველ გვარი წინადადება, რომელსაც კი მას ვრანგელი გაუკეთებს; რადგანაც რუსეთის თანამედროვე მდგომარეობა ყოველგვარ მსხვერპლს მოითხოვს.

## საბერძნეთის არჩევნები

ათინა. საბერძნეთის პარლამენტში სულ 369 დეპუტატი უნდა შევიდეს: აქედან 317 ძველი პროვინციებიდან და 52 კი აღმოსავლეთ და დასავლეთ ფრაკიის ახალი ოლქებიდან. დეპუტატთა უმეტესობას იძლევა სალინიკი (32 დეპუტატი).

## სასმელები ინგლისში

ლონდონი. ტრედ-უნინგების კონგრესსზე უააკეთეს დეკლარაცია მაგარი სასმელების ნაციონალიზაციის აუკიდებლობის შესახებ.

## შაქრის ფასები

სასურსათო მომარაგების სამინისტრომ ოფიციალურად განაცხადა, რომ მიმდინარე ზამთარში ინგლისი შაქრით უზრუნველყოფილია, მაგრამ შაქრის ფასი კი არ დაიწვესო.

## ინგლისი და ბალშევიკები

„ტაიპსი“ იუწყება: ამ ახლო მომავალში ინგლისი არ ფიქრობს, რომ ბოლშევიკებთან რაიმე შეთანხმება მოახდინოს. ბოლშევიკ დელეგატების ყოფი ქტევამ შეუძლებელი გახადა არა თუ პოლიტიკური, საჯარო ხელშეკრულების დადებაც კი.

## ნორვეგიელთა ექსპედიცია რუსეთში

„ტაიპსი“ იუწყება: ნორვეგიის ვიცე-კონსულმა ვალაისკიმ ოფიციალურად აუწყა მთავრობას, რომ ჩრდილოეთის ექსპედიციის ორი მონაწილე ტესენი და კულდენი, რომელნიც ციმბარის ნაპირზე გადმოსდნენ, ბოლშევიკებმა დახვრიტესო. საბჭოთა მთავრობის მტკიცებას, რომ ტესენი და კულდენი ბუნებრივი სიკვდილით გარდაიცვალენ, ამინდენ, რომელიც ექსპედიციის ხელმძღვანელი იყო, კატეგორიულად უარყოფს.

## შრომის ბევრა გერმანიაში.

ბერლინი. გერმანიაში საყოველთაო შრომის ბევრა შემოაქვთ. ყველა პირი, რომელიც არ შრომობს, ბავშვებსა და მოხუცებს გარდა ვალდებული არის სახელმწიფო დაწესებულებებსა და წარმოებებში იმუშაოს. მამაკაცებმა უნდა იმუშაონ ერთ დღიწადს, ქალებმა კი 6 თვეს.

## ბალშევიკები და გერმანია.

ლონდონი. „ტაიპსი“ იუწყება: საბჭოთა დელეგაცია, რომელიც 15 წევრად შედგება და რომელიც ვერობის ჩრდილოეთ სახელმწიფოში მოგზაურობდა, საშინლად დამარცხდა ბერლინში. რუსი დელეგატების ტრაფარეტულ გამოხვლებს მელითონეთა ცრავალ რიცხოვან მინტინგებზე სტვენით შეხვდნენ. ლოზოვსკის ვრცელმა სიტყვამ რუსეთის პროფესიონალურ კავშირთა მდგომარეობის შესახებ გერმანიის დემოკრატაზე ცუდი შთაბეჭდილება მოახდინა. საბჭო-

# უკანასკნელი ცნობები

23 ოქტომბერს იკრიფება რუსეთის ცენტრალური აღმასრულებელი კომიტეტი პოლონეთთან და ფინლიანდისთან საზავო ხელშეკრულების რატიფიკაციისათვის.

თბილისში ჩამოვიდა ბალშევიკური რუსეთის ახალი ელჩი. შეინმანი.

ოსმალეთში ახალი მთავრობა შესდგა.

## ჯარში გაწვევის შესახებ

გენერალური შტაბი აცხადებს, რომ თანახმად 1919 წლის 31 ივლისის შეიარაღებულ ძალთა და სამხედრო ბევრის კანონისა, 1900 წელში დაბადებულითა მორიგი გაწვევა ჯარში დაიწყება ამა წლის 15 ნოემბერს.

რესპუბლიკის ყველა 1900 წელში დაბადებულნი მოქალაქენი გარდა იმ ახალგაზრდებისა, რომლებიც ამ უამად უკვე მსახურობენ ჯარში და აგრეთვე მათზე უფროსებიც, რომლებსაც შარშან ვადა გაუდიოდა, ვალდებული არიან გამოცხადდნ იმ მაზრის სამხედრო აღრიცხვის განყოფილებაში. სადაც ისინი შეტანილია გამწვევ სიებში.

აგრეთვე ვალდებული არიან გამოცხადდნ ის სამხედრო ვალდებულნიც, რომლებიც მიწვევების გამო არ არიან შეტანილნი გაწვევის სიებში.

გამოცხადების დღე იქნება გამოქვეყნებული თავის დროზე სამაზრო ერობათა და თბილისის ქალაქის გამგეობის მიერ.

ნებადართულია გამოცხადება უახლოეს სამხედრო აღრიცხვის განყოფილებაშიც, დროებით საცხოვრებელ ადგილის მახედვით, მაგრამ ამ შემთხვევაში ახალ გაწვეულმა არა უგვიანეს 1 ნოემბრისა უნდა წარუდგინოს სამხედრო აღრიცხვის განყოფილების უფროსს, სადაც მას სურს გამოცხადება: 1) ამონაწერი თავის თავზე გაწვევის სიიდან და 2) პირადობის მოწმობა თავის სურათით.

თა მთავრობის პრესტიჟი საბოლოოდ დაეცა მას შემდეგ, რაც რუსეთიდან დაბრუნებულმა დრეზდენელმა ანარქისტმა რებლემ მოხსენება გააკეთა. ამ მოხსენება გააკეთა. ამ მოხსენებაში ის ამტკიცებდა, რომ რუსეთის საბჭოთა მთავრობა დიდი ხნის სიცოცხლის უნარი არა აქვსო.

## შვეცია და რუსეთი.

სტოკჰოლმი. შვეიცაროვთა და შრომის გენერალური ასოციაციის კონგრესმა ხმის დიდი უმრავლესობით უარყო რუს-კომუნისტ მუშებისადმი თანაგრძნობის გამოცხადების წინადადება.



მემაღაროეთა გაფიცვა ინგლისში.

ლონდონი. „ტაიმსი“ გადმოგვცემს: ინგლისის ნახშირის მრეწველობაში მომხდარ კონფლიქტს მხარს უჭერს ევროპის უკიდურეს წარმომადგენელთა ხმის ნიკორე უმეტესობა. ლიბერალ-ჯორჯიან თანხმობა გამოაცხადა მემაღაროეთა ხეოფასის გადღებზე იმ პირობით, რომ შრომის ინტენსიფიკაცია მოხდება: ლიბერალ-ჯორჯიან წინადადებით უნდა შემოიღონ პრემიული სისტემა, რომელიც მემაღაროეთა კონფერენციამ უარყო. მუშები მოითხოვენ, რომ ყოველ ტონა ნახშირზე მაგარი შილდინგი მიემატოს.

ლონის ოლქში

პარიზი. — „პასტელნიკი“ ნოვოსტი“ იუწყება: მთელი ლონდონის ხეობა ტაგანოვის ოლქის ნაწილთან და ლონის ოლქის სამრეწველო ნაწილთან ერთად ცალკე ადმინისტრაციულ ერთეულად არის გამოყოფილი. საგუბერნიო ქალაქს ლუგანსკი წარმოადგენს. ქვანახშირი თიქის სრულიად არ მოიპოვება. დიდ მადაროებში მუშაობა აღარ არის, მუშახელის ნაკლოვანებას გამო მიღებულია გადაწყვეტი ზოგები მუშების შესაკრებად. თუ მუშამ გამოტოვა სამსახური ორჯერ, ისე რომ საპატიო მიზეზი არ ექნა, დაქვრივი იქნება. მუშები „მეშინებოდ“ გადაიქცნენ. უიდაან უფრო მარილს, ვინაიდან მოსკოვში ფუთი მარილი 40000 მან. ღირს. მარილის საშინელი ნაკლოვანება არის მიზეზი ბავშვებს გადაგვარებისა მოსკოვში.

ქრონიკა.

რკინის გზებზე

მტატებს ამცირებენ; დაითხოვნილი იქნება მოსამსახურეთა ნახევარი.

მასწავლებელთა კრებაზე

თბილისის მასწავლებლებმა „უკმაყოფილების“ რეზოლუცია გამოიტანეს განათლების მინისტრის მიმართ, რომელიც კრებაზე არ მივიდა, თუმცა სთხოვეს მობრძანება.

ბაზრის ფასები

ბაზარში შემდეგი ფასები არის: ხორცი 80-90 მან. გირვანქა, ცხვარის ხორცი 110 მან. გირვანქა, ქათამი 500 მან., ინდოური 700 მან. ბატი 600 მან. იხვი 260 მან. ხიზილალა გირვანქა 1200 მან. ლობხალი თევზი 280 მან. კარაქი 450 მ. საბარხო ვრბო 400 მ. ყველი 220-280 მან. თეთრი ფქვილი 5600 მან. ფუთა, ადგილობრივი ფუთი 3200 მან., სიმინდის ფქვილი 1800 მ., პური 2500 მან., ადგილობრივი 2400 მან., სიმინდი 900 მან., წითელი ლობიო 1200 მან. თეთრი 1300 მ., სპარსული ბრინჯი 9500 მან., ჩახური ჩაი გირვანქა 700 მან., ცვილი 550 მან., თაფლი 280 მან., ყავა 550 მან. ხახვი 30 მან., გირვანქა კომპოსტო 400 მან. ნიგოზი ფუთი 2000 მან., წვრილი ახილი 900 მანეთი.

წყალტუბოს აბანოები.

მიწად მოქმედების საგარეო კომისიამ ოქტ. 15 ინახულა წყალტუბოს სამკურნალო წყლები, სადაც იგი გაცენო წყლების მდგომარეობას. წელს აგარაკი ოქტ. 15 ცხრა ათასამდე ავადმყოფმა მოიარა. ყველა ბინა დაკავებული იყო და ზოგიერთ ავადმყოფს აივანზე და ცის ქვეშ ცხოვრება მოუხდა. ერობის მიერ ვანებზე მინიმალური ფასები იყო დაწე-

სებულო. სეზონის ბილეთი ღირდა 30 მან. ეანა—15—20 მან., ოთახი დღე და ღამეში 40—60 მან. ეს მაშინ როდესაც კერძო ბინებში და სასტუმროებში დღე-ღამის განმავლობაში 300 მან. იუბედენ. ვანების ექსპლოატაციიდან შემოსავალი სეზონის დამლევაზე 1 ნახ. მილ. მანეთს უდრის. ამ ყაზად წყალტუბოში დამუშდნებელი კრების თავმჯდომარის ამხანაგი ე. ლომთათიძე იმყოფება.

სატან-ვარჯიშო ინსტიტუტში

თბილისში სატან-ვარჯიშო ინსტიტუტი გაიხსნა. ინსტიტუტის დირექტორად ბერელაშვილი დაინიშნა, ინსპექტორად კი ი. ვახეკი. ინსტიტუტის კურსი 8 თვიანია. სწავლა უფასოა. შეყადინობა სწარმოებს ყოველ დღე საღამოს 5 ნახ. საათ. 9 ნახ. საათამდე. ინსტიტუტი მგორე ვაჟთა გიმნაზიაში არის მოთავსებული.

კორესპონდენცია

8 ოქტომბერს, ახალციხეში გვეწვია რომილი გამოგზავნილი ეპისკოპოსი გაბრიელ მარიონდო ქართველ კათოლიკეთათვის თვითოველად შესავითხვად ტიბიკონის გამოსარკვევად, თუ რომელი ტიბიკონის მიღება სურთ მათ, ლათინური თუ ქართული, ე. ი. ბერძნული?..

მოგვხსენებთ, რომ ორი წელიწადია თბილისის ქართველ კათოლიკეთა აგიტატორები დაძვრებოდენ მთელ მესხეთში კათოლიკეთა შორის და ურჩევდენ ყველას ქართული ტიბიკონი არ მოეთხოვათ. ამ პროპაგანდას დიდათ ხელს უწყობდა ადგილობრივ კათოლიკეთა კომიტეტის გამგეობის ყველა წევრი ხოლო ამ წევრებთან მხოლოდ კოტე გვარამაძე ქადაგებდა წმიდა ქართულ ტიბიკონის მიღებაზე.

ეპისკოპოსის შეკითხვაზე აღმოჩნდა რომ ქართული ტიბიკონი ეთხოვათ უმეტესს ნაწილს და ამიტომაც გაიმარჯვა ქართულმა ტიბიკონმა და დამარცხდენ ლათინის ტიბიკონის მსურველნი.

კვირას, 10 ოქტომბერს წმიდა იონე ნათლიმცემლის ეკლესიაში სწირა ეპისკოპოსმა მარიონდომ და დიდი სიხარულით გამოაცხადა: როგორც პაპის სურვილიც იყო, უმეტესმა თქვენგანმა რა ისურვა ქართული ტიბიკონი, ამისათვის ყველა ქართველი კათოლიკენი დღეის ამიერ ჩამოშორებულთა ხარათ სომხის ტიბიკონიდან და დარჩებით ქართულ ტიბიკონზე. ე. ი. აღმოსავლეთის ეკლესიის წესზე გექნებათ ყოველივე წესრიგი ეკლესიური და წირვა ლოცვა დედა-ენაზე — ქართულად: ამასთანავე პაპის დეკრეტით აღდგენილი იქნება თქვენი საკუთარი ქართული საეპისკოპოსო კათედრა და მანამდე კათედრაზე მოწვეული იქნება ქართველი კანდიდატი საეპისკოპოსოდ, ვიდრე, დროებით მე დაინიშნული ვარ პაპისაგან და მე განვაგებ სრულიად საქართველოს ყველა კათოლიკე ქართველთა ეკლესიურს საქმეებსაო და ბოლოს წაიკითხა პაპის დეკრეტი.

ქართულ ტიბიკონზევე გადადის ჯავახეთის ოთხი სოფლის კარტიკამის, ტურცხის, ბაგრის და ხულოვოს ქართველი კათოლიკენიც, რომელთაც დავიწყებული აქვთ დედა-ენა და თურქულად ლაპარაკობენ. ცხადია, ართვინის და არტაან არტანუჯის ქართველი კათოლიკენიც მო-

წყევბიან ამავე ეპარხიაში, რომელთაც დედა-ენა სომხურზე აქვთ შეცვლილი და კიდევ სომხობენ, მარა ჯიბრით სომხობაც არ გამოდგება; მათ სომხურ ენაში ბევრ ქართულსაც ურევენ. მაგ. ბიძან გალისე... დედა გალისე და სხ.

ეპისკოპოსმა მარიონდომ თუმცა ენა მისცა ყველა ჩვენ მღვდლებს ხვალილდგანვე შევიძლიანთ ქართულად სწაროთ, მარა, განა ასე ადვილია ამის შესრულება. უეჭველად ამას დიდი ხანი დასჭირდება. მართლმადიდებელი მღვდლების წირვას უნდა გაეცნონ კათოლიკის მღვდლები. როდენიმეჯერ უნდა უცქიროს და შეითვისოს ყოველნაირი ცერემონიები, რომ შემდეგ თვითონ სცადონ და ამაირად მოახეზონ. ყოველ შემთხვევაში კათოლიკე მღვდლებმა უნდა მოაწყონ წირვა — ლიტურგიის კურსები მართლმადიდებელ მღვდლების ხელმძღვანელობით. ეპისკოპოსი ორშაბათს 11-ს თბილისს დაბრუნდა.

კათოლიკე

ქართველ ისრაელთა პრაქტიკისათვის.

(რედაქციის მიმართ წერილებიდან)

„ბრძოლა არსებობისათვის“, აი იღე-ალი, რომელსაც ატარებს ლოზუნგათ დღეს კაცობრიობა. ამ იდეალის წინაშე ქედს იხრან დიდი და პატარა ერები. უკანონოა ანებებულ რუსეთის სახელმწიფოს ნანგრევებზე აღმოცენდა პატარა ერების სახელმწიფოები და მათ შორის ჩვენი საქართველოც. საქართველომ შესაფერი ვგზამეწი დაიჭირა სახელმწიფოურ გამოცდილებაში. მან სხვა შრავალ საქმეთა შორის შესარულა პირველათ ის, რაც მოეთხოვებოდა დემოკრატიულ რესპუბლიკას. მან აირჩია დამუშდნებელი კრება კონსტიტუციის შესადგენად. დამკრების საკონსტიტუციო კომისიის მზათ დახვდა საქართველოში მცხოვრები თითქმის ყველა ერის შემუშავებული პროექტები თავიანთ უფლებათა და ისინი წარუდგინეს კიდევ, სადაც საქირო იყო... ჩვენ კი? საქართველოს ისრაელობამ ჩვენც შევიმუშავებ ჩვენი მოთხოვნილებები... ისედაც ჩაკრულსა და დენილს ამის საშუალება არა გვექონდა!... რაა მიზეზი? უთაურობა! სად არიან ამ საბედისწერო წამებში ჩვენი ნამდვილი მეთაურები? სად გაქრნენ? ან და იმათ ხომ არ ჩავთვლით „მეთაურებათ“, ვინც ჩვენი სახელით პოტინობენ და ძვრებიან ყველგან საცა თავიანთ „ბოზ ხმას“ გააწვდენენ? ქართული ანდაზაა: უპატრონო ეკლესიის ეშმაკები დაპატრონებიანო“ ასე დავემართა ჩვენ. საიდანაც გამოძვრენ „აგულათ იზრაელი ტიქნები“ ქუთაისის რაბინი ელუაშვილის სათავეში, რომელნიც მთელი საქართველოს ისრაელების სახელით წარუდგენ საკონსტიტუციო კომისიას!.. ქუთაისის რაბინმა საქიროთ არა სცნო ზედმეტი უფლებები. — „ისიც კარა, რაც მოვითხოვეთ“ — ბრძანა საქართველოს ისრაელების დესპოტმა ელუაშვილმა. მან ისრაელობა და სახელი მისი წინამძღოლი რაბინისა ანაწვალა მოფერებას. მას, როგორც ძველ თანატყოსს, სურდა თავისი დანგრეული ავტორიტეტის აღდგენა და თითქოს მიზანსაც მიაღწია. მეორე მხრით გაჩნდენ სიონისტები თბილისის ისრაელთა ეროვნული საბჭოს სახით და დაიწყეს ამათაც „თავიანთისებური ხლა-

ფოთი“. მაგრამ განა მარტო ეს არი ჯგუფი იბრძოდა ჩვენი მომავლისათვის? „ბედნიერნი“ ვართ, რადგან ბევრი გავიჩნდენ „არა მკითხე ანეკუნიები“. მესამე მხრით „ახალგაზდა სტუდენტ ასნი-მილატორები ხანანაშვილების დროშით“ რა მწარეა ამდენი გზაბნეული ვაჟბატონების მიერ ჩვენი ინტერესების დაცვა!... როგორი უნდა იყოს საშალო გზა, ნათელი და გამოარკვეული საქართველოს ისრაელობისათვის? მან დაუყონებლივ უნდა აღიაროს, რომ ეს „სამგვარი ბატონ-ბატონები“ ან და „გულშემტყვიერები“ არ არიან მისი სურვილების გამოშხატველნი. მას შეუძლია თავის თავის ბატონ-პატრონობა!

ღეე იცოდეს საკონსტიტუციო კომისიამ, რომ საქართველოში არის ქართველი ისრაელი. მაშ არც ერთი „ლიშნი ვაჟბატონი“ არ იქნეს ნაცნობი ჩვენს წარმომადგენლათ. საქიროსა საჩქაროთ მოხდეს დემოკრატიული წესით არჩევნები მთლიანი საქართველოს ისრაელთა კრებისა. აი ეს კრება და იქ გამოჩანილი გადაწყვეტილება იქნება საქართველოს ისრაელების სურვილის გამოშხატველი. აქ შემუშავებული უფლებები იქნება ჩვენი მოთხოვნილება და არა ის უფლებები, რომლებსაც „არა მკითხე ვაჟბატონები“ იმუშავებენ. და მანამ ეს კრება არ შესდგება, ღეე იცოდეს საკონსტიტუციო კომისიამ რომ ჩვენს მანდატს არავის ვაძლევეთ. მაშ საქმისაკენ ენერგიულათ, ძმებო! თქვენ დაანახვეყველას, რომ თქვენ ძველდებურათ აღარ ხაზთ სხვების სააპეკუნოთ. გამოიღვიძეთ! ემარა ამდენი სალი ძილი! შეუღვიძეთ დაჩქარებით ამ კრების მოწვევას! თქვენ ხოთონ მოუარეთ თქვენ საქმეს და „გზაბნეულ ანეკუნებს“ განზე გადგომა უსურვეთ. თქვენ შესძახეთ იმათ: „შორს შოლალატენო, მომტყუებლებო ავტორიტეტების აღდგენისათვის, მოვეცილდით, თავი დაგანებეთ! ჩვენ თვითონ მოვეულოთ ჩვენ საქმეებს, ჩვენ თვითონ წარუდგებთ ქართველ ერს და ისეთ უფლებებს მოვითხოვეთ, რომელიც იქნება ჩვენთვის საქირო“... მაშ საქმისაკენ! როგორ? — ამაზე შემდეგ.

ჭერ — ბა.

საკონლის ჭირთან ბრძოლის წესდება

1. საქონლოს პატრონი მოვალეა დაუყონებლივ აცნობოს ადგილობრივ ერობის გამგეობას ანუ პირდაპირ ექიმ-ვეტერინარს, როდესაც მის საქონელში აღმოჩნდება საექვო ავადმყოფი გადამდები სენის ნიშნებით, ან უეცრად მომკვდარი.

2. ერობის გამგეობა, მიიღებს რა განცხადებას ავადმყოფ, ან მოკვდარ საქონლის შესახებ, მოვალეა დაუყონებლივ აცნობოს ადგილობრივ ექიმ-ვეტერინარს დევეშით, ან ტელეფონით, ან საგანგებო კაცის გაგზავნით და მის მოსვლამდის კი მიიღოს შემდეგი წინასწარი ზომები: ა) გამოაკლავდეს სალი საქონელი ავადმყოფიდან, ბ) ჩამარხოს მკვდარი საქონელი განცალკევებულ ალაგას, რომელიც შემოფარგლული უნდა იყოს არხით ან ლობით, გ) აკრძალოს საქონლის გადარეკა და საქონლის ნედლი მასალის და აგრეთვე თვის, ჩალის და მზის ვატანა სხვა სოფელში.



3. ექიმი ვეტერინარი ცნობის მიღებისთანავე საქონლის ავადმყოფობის შესახებ მოვალეა მიაშუროს იმ ადგილს, და ერობის წარმომადგენლის და ორი საქონლის პატრონის თანადანსწრებით გასინჯოს ავადმყოფი საქონელი, თუ არის მომკვდარი—გასჭრას სენს გამოსაკვლევად.

4. იმ შემთხვევაში, როდესაც გარეგანი ნიშნები დაავადებულ საქონლისა ნათლად არიან გამოსახულნი და ექიმი-ვეტერინარი მოკლებულია საშუალებას ვამოსტეკვას საბოლოო აზრი ავადმყოფობის შესახებ, დაავადებული საქონელი გამოცალკევდება და მკაცრს ვეტერინარულ ზედამხედველობის ქვეშ რჩება იმ დრომდე, ვიდრე არ გამოაშუარავდება ავადმყოფობის ხასიათი; თუ შესაძლებელია, მოიწვევს მახლობელ მეზობელ ექიმი-ვეტერინარს სენის გამოსაკვლევად.

4. როდესაც გამოირკვევა საქონელზედ ჭირის არსებობა, ექიმი-ვეტერინარი დაუყოვნებლივ წარუდგენს ამის შესახებ მოხსენებას შინაგან საქმეთა სამინისტროს ვეტერინარ-სანიტარულ განყოფილებას და ერობის გამგეობას, აცნობებს აგრეთვე მეზობელ რაიონების ექიმ ვეტერინარებს, იწვევს ჭირის მომსახურებელ კომისიას და აწესებს კანონით და მამვე წესდებით ნაჩვენებ ზომებს ჭირის მოსაპოვებად.

6. ჭირიანი საქონელი აიცრება კომინაციური მეთოდით (შრატით და სისხლით). აცრა სავალდებულოა დაჭირებულ სოფლის ყველა მსჯილ ფეხა რქიან საქონლისა, ნაწილობრივ კი ადგილობრივ პირობების მიხედვით და თუ სოფლის ყველა საქონლისთვის საკმაო შრატი არ მოიპოვება, ამ შემთხვევაში, როდესაც ეკონომიურ მიზნების გამო შეუძლებელია დაჭირებულ სოფლის საქონლისაგან მახლობელ სოფლის საქონლის მოშორება, ეს სოფელიც შეუერთდება დაჭირებულ სოფელს და იქაც აუცილებლივ აიცრება საქონელი.

7. დაჭირებულ სოფელში აშუარად ავადმყოფი და სიცხე აწეულ საქონელი ცალკევდება და თავსდება განსაკუთრებულ ბოსელში, ან მოიპოვებენ.

შენიშვნა 1: დაჭირებულ სოფელში აშუარად ავადმყოფად ჩაითვლება ის საქონელი, რომელსაც აწეული სიცხის გარდა ექნება გარეგანი ნიშნები ჭირისა.

შენიშვნა 2: სიცხე აწეულად ჩაითვლება ის საქონელი, რომელსაც ექნება სიცხე 40 გრადუსამდე და მეტიც ცელსით.

8. აღმასრულებელ კომისიაში შედგან ექიმი-ვეტერინარი როგორც თავმჯდომარე, ერობის გამგეობის წარმომადგენელი (ქალაქებში თვით მართველობის წარმომადგენელი) და ორი ადგილობრივი საქონლის პატრონი ამორჩეული მცხოვრებთაგან. აღმასრულებელი კომისიის მოქმედება გრძელდება საქარანტინო წესების მოხსნამდე. კომისიის მოქმედებას არ აბრკოლებს ერთ-ერთი წევრის არ დასწრება, გარდა ექიმ ვეტერინარისა. კომისიის ყველა თავის განაჩენი შეაქვს ოქმში, რომელზედაც ხელს აწერენ იქ დასწრე წევრნი. ასლი ოქმისა დაუყოვნებლივ ეგზავნება ერთი—შ. ს. ს. ვეტერინარ-სანიტარულ განყოფილებას და ერთიც ერობის გამგეობას.

9. დაჭირებულ სოფელში აღმა-

სრულდებილი კომისია მოვალეა დაუყოვნებლივ მიიღოს შემდეგი ზომები:

ა) აღნიშნოს დაჭირებულ სოფლის საზღვრები, დააწესოს ამ საზღვრებში კარანტინი და მასზედ თვალყურის დაქვერ დაავალოს მცხოვრებთ.

ბ) შეადგინოს საქონლის საკომლო სია და დააწესოს საქონელზე სავეტერინარო ზედამხედველობა.

გ) აირჩიოს შესაფერი ადგილი საქონლის ღეშის ჩასამარხათ.

დ) დააწესოს სავალდებულო აცრა დაჭირებულ სოფლის საქონლისა.

ე) აირჩიოს შესაფერი ადგილი საქონლის დასაბმელად და ასაცრელად. იზრუნოს ასაცრელი იარაღების, შრატის და სხვა ასაცრელ მასალების შენახვაზე. საქონლის აცრის დროს ექიმ ვეტერინარმა უზრუნველყვეს საქონლის ვეტერინარ-სანიტარულ განყოფილების ინსტრუქციით, რომელიც დამტკიცებულია შინაგან საქმეთა მინისტრისაგან, 5 ივნისს 1920 წ.

შენიშვნა: მუშა ხალხი, ცხენები, შესაბამელი საქონელი, თიკები, ხარხები საქონლის დასაბმელად, ბინა, ვათობა, განათება და მოსამსახურე, რაც საქონელს კომისიისთვის მუშაობის დროს კარანტინის მოხსნამდე, შეადგენს სოფლის მოვალეობას.

ვ) გასინჯოს და გამოარკვიოს ვეტერინარ-სანიტარული მდგომარეობა იმ სოფლებისა, რომლებსაც რაიმე ეკონომიური კავშირი აქვთ დაჭირებულ სოფელთან და ექვს ზადებენ საქონლის ჭირის არსებობისას. თუ რომელიმე სოფელში აღმოჩნდა საექვო ავადმყოფი საქონელი, ეს საქონელი უნდა გამოაცალკეოს დანარჩენ სოფლის საქონლიდან და დააყენოს განსაკუთრებულ ვეტერინარ-სანიტარულ ზედამხედველობის ქვეშ. ამგვარი გასინჯვა-ძიება უნდა დამთავრდეს დაჩქარებით.

ზ) როდესაც აცრა რაიმე მიზეზით შეუძლებელია, აღმასრულებელი კომისია ახდენს სასტიკ იზოლიაციას ავადმყოფ საქონლისას და აწესებს საზოგადო კარანტინს.

10. დაჭირებულ სოფლიდან რქიან მსხვილ საქონლის გადარეკა სხვა ადგილას აკრძალულია იმ დრომდე, ვიდრე სოფელი არ იქნება გამოცხადებული სენისაგან განოავისუფლებულად. იმ შემთხვევაში კი, როდესაც აუცილებელია საქონლის გადარეკა ჭირიან ადგილიდან სხვა ადგილას, კომისია ხელმძღვანელობს სამთაბარო საქონლის წესდების მე 12 §-ით.

11. საქონლის მორეკა სად ადგილიდან დაჭირებულ სოფელში შეიძლება აღმასრულებელ კომისიის ნებართვით ან დასაკვლელად, ან და ასაცრელად, უკანასკნელ შემთხვევაში საქონლის მორეკა შესაძლებელია იმ პირობით თუ აცრის შემდეგ მოსახერხებელი იქნება მისი განკალკევებითი შენახვა იმავე სოფელში, რათა კარანტინის ვადა სოფლისათვის არ გაგრძელდეს.

12. დაჭირებულ სოფელზედ რქიან მსხვილ საქონლის გარეკა აკრძალულია. გარეკა შეიძლება კომისიისაგან ნაჩვენებ მოსავლელი გზით.

13. გატანა დაჭირებულ სოფლიდან ტყავისა, ხორცისა, მატყლისა, რქისა, ჩლიქისა, თივასა, ბზისა და ჩალსა შესაძლებელია კომისიის ნებართვით მხოლოდ იმ შემთხვევაში, თუ არ

იქნება საშიში ჭირის გავრცელების მხრივ.

14. დიდ ქალაქებში საქარანტინო ზომების მიღება დასაშვებია მხოლოდ დაჭირებულ უბნებში კომისიის დადგენილებით.

15. დაჭირებულ სოფელში საკლავ საქონელს სინჯავს ექიმი-ვეტერინარი დაკვლის დღეს.

16. საქონლის ბაზრობა როგორც დაჭირებულ სოფელში, აგრეთვე იმ რაიონში, რომელიც მიჩნეულია კომისიისაგან საექვოდ ჭირის მხრივ, აკრძალულია სენის მოსპობამდის.

17. საქონლის ღეშში უნდა ჩაიფლოს მიწაში 2 ნახ. არშანის სიღრმეზე აღმასრულებელ კომისიისაგან ამორჩეულ ადგილზე. ამასთანავე ნება ეძლევა პატრონს ტყავი გააძროს ღეშს მხოლოდ იმ პირობით, თუ რომ ტყავის დეზინფექცია მოსახერხებელი იქნება ექიმი-ვეტერინარის ნაჩვენებ წესით და მისივე პირადი ზედამხედველობით.

შენიშვნა: საქონლის ტყავის დეზინფექციისთვის საჭიროა ერთი ათას პროცენტის სულფამის ხსნილი, რაშიაც ტყავი დამოვება ოცდა ოთხი საათის განმავლობაში.

18. დაჭირებულ ადგილებში ბოსლები და საქონლის სადგომები და იქ ნაყოფი საგნები უნდა დასუფთავდეს ექიმი-ვეტერინარის ჩვენებით, უნიშვნელო ოფ-ფასიანი ნივთები კი შეიძლება დაიწყოს შეუფასებლად.

19. ჭირიანი სისხლის ამოსაღებად მოკლულ და აცრის შემდეგ მომკვდარ საქონლის ასანაზღაურებლად ფასი მიეცემა პატრონს კომისიის შეფასებით, რაც არ უნდა აღემატებადეს კანონით მიჩნეულ უდიდეს ფ.ს.ს. შეიძლება ამ ფულის გადაცემა სახელმწიფო საზოგადო და კერძო გადასახადებში. ფული მიეცემა თვით პატრონს, ან მის რწმუნებულს.

20. თუ აღმასრულებელ კომისიის წევრთა შორის მოხდა უთანხმოება ფასის შესახებ, კომისია უნიშნავს საქონლის პატრონს შენაფასის საშუალო ჯამს.

21. იმ საქონლის პატრონთ, რომელთაც თავის დროზედ არ განუცხადეს კომისიას საქონლის მხრივ საექვო ვადმყოფობა, აღარ მიეცემა აცრის შემდეგ მომკვდარ აშუარად ავადმყოფ საქონლის ზედრი ფასი. არ მიეცემა ფასი მომკვდარ საქონლისა აგრეთვე იმ პატრონთ, რომელნიც დაუმალავენ კომისიას საქონელს.

22. დაჭირებულ სოფელში აუცრელ მოკვდარ საქონელში პატრონს ფასი არ მიეცემა.

23. იმ ადგილები, სადაც აიცრა საქონელი, გამოცხადდება ჭირისაგან განთავისუფლებულად მხოლოდ 14 დღის შემდეგ დღიდან რეაქციის გათვებისა ან უკანასკნელად მომკვდარ საქონლისა,

რომელსაც აშუარად ეტყობა ჭირის გრეგანი ნიშნები.

24. ვიდრე კომისია გამოაცხადებს სოფლის ჭირისაგან განთავისუფლებულად, სოფელი მოვალეა შეასრულოს ყველა განკარგულებანი და დადგენილებანი.

25. სოფლისაგან კომისიის ყველა განკარგულების სისწორით ასრულებას თვალყურს ადევნებენ როგორც თვით აღმასრულებელ კომისიის წევრნი, აგრეთვე ადგილობრივი აღმინისტრაცია. — წესების დამრღვევლნი მიეცემათ პასუხისგებაში სასჯელთა წესდების 112 და 113 სტ. მიხედვით.

განყოფილების გამგის თანამდებობის აღმ. დ. ახმეტელი.

რედაქტორი: გრ. ვეშაპელი  
სამხ. სამ. სტამბა, ლორის-მეულიკ., 3

### გასარკვლავის მიმოსვლა

ოქტომბრის 10-დან 1920 წ.  
თბილისიდან გადის

ბათუმამდის	№ 3	10 ს.	58 წ.	დილ.
ბათუმში ჩადის		7 ს.	27 წ.	დილ.
ფოთამდის	№ 9	5 ს.	34 წ.	დილ.
ფოთში ჩადის		10 ს.	45 წ.	დილ.
ბათუმამდის ჩქარი	№ 7	10 ს.	28 წ.	სად.
ბათუმში ჩადის		5 ს.	52 წ.	სად.
ბორჯომამდის	№ 19	3 ს.	19 წ.	დილ.
ბორჯომში ჩადის		11 ს.	25 წ.	დილ.
სალ-ოლაამდის		7 ს.	20 წ.	დილ.
სანაინამდის	№ 4	8 ს.		დილ.
სანაინში ჩადის		5 ს.		სად.
კახეთისკენ		8 ს.	50 წ.	დილ.

თბილისში მოდის

ფოთამდის	№ 10	3 ს.	51 წ.	
თფილისში მოდის		9 ს.	16 წ.	დილ.
ბათუმამდის	№ 4	4 ს.	9 წ.	დილ.
თფილისში მოდის		1 ს.	1 წ.	დილ.
ბათუმამდის	№ 8	11 ს.	37 წ.	დილ.
თფილისში მოდის		7 ს.	36 წ.	დილ.
ბორჯომამდის	№ 20	12 ს.	22 წ.	დილ.
თფილისში მოდის		7 ს.	47 წ.	დილ.
სალ-ოლაამდის		12 ს.	10 წ.	დილ.
სანაინამდის	№ 4	7 ს.	30 წ.	დილ.
თბილისში მოდ.		3 ს.	20 წ.	დილ.
კახეთამდის თბილისში მოდ.		8 ს.	20 წ.	სად.

შენიშვნა: მატარებელს № 7 თბილისიდან მიეცემა საში ვაგონი პირდაპირ ქუთაისამდის; აქეთ კი მატარებელს № 8 მიეცემა ერთი ვაგონი მიქსტი (I-II კლ.) და ორი ვაგონი III კლასისა.

თბილისსა და ბათუმ-ფოთ შორის მატარებლები დადიან 18—20 საათის განმავლობაში.

ბათუმის მატარებლები № 7—8 დროებით არ დადის.

## გლახთა სასურკლავოდ დამფუძნებელი კრების ნაცინონალისტთა ფრაქცია

აცხადებს, რომ იგი სათანადო დახარებას აღმოუჩენს სოფლის მცხოვრებთ გლეხებს ყოველგვარ საერთო—სასოფლო—საქაროგ ბათა (ადგილ მამულის, სურსათის, ეკლესიის, სკოლის, გადასახადების და სხვა საქმეების) უღობვე დასაკმაყოფილებლად სათანადო დაწესებულებათა მიერ.

ყოველგვარი ცნობები, შეამდგომილობანი რა სხვა სახალა მიიღება თბილისში: „ნაციონალისტის“ რედაქციაში დამფუძნ. კრების ქ.ს.ს.